

Na osnovu člana 20. stav 1. tačka 4) Statuta Fonda za zaštitu okoliša Federacije BiH ("Službene novine FBiH", broj: 33/06 i 1/15), u vezi sa Zaključkom Vlade FBiH V. broj 1722/22 od 24.11.2022. godine i tačkom 7., poglavlje „Obrada prijava“ stav 3. Odluke o usvajanju Programa utroška sredstava „Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socio-ekonomskog uticaja energetske krize“ utvrđen budžetom Federacije BiH za 2023. godinu Federalnom ministarstvu prostornog uređenja (Službene novine FBiH br. 66/23) i Odlukom Upravnog odbora Fonda broj: UO-01-3-9-9-6/2024 od 25.07.2024. godine, a na osnovu provedenog Javnog poziva za dodjelu sredstava iz budžetske podrške EU za provođenje mjera energetske efikasnosti u stambenim objektima za 2024. godinu – JP BPEU SS 2024-1 („Službene novine Federacije BiH - Oglasni dio“ broj: 60/24 od 02.08.2024. godine, dnevni listovi „Dnevni avaz“ i „Večernji list“, kao i na službenoj stranici Fonda: www.fzofbih.org.ba), direktor Fonda za zaštitu okoliša Federacije BiH d o n o s i:

ODLUKU

I.

Odbija se prigovor podnosioca prijave, Rifat Šeho, Reisa ef. Hadžiomerovića, 71210 Ilidža kao neosnovan.

II.

Ova Odluka je konačna i stupa na snagu danom donošenja.

Obrazloženje

Odlukom o dodjeli sredstava na osnovu postupka provedenog po Javnom pozivu za dodjelu sredstava iz budžetske podrške EU za provođenje mjera energetske efikasnosti u stambenim objektima za 2024. godinu – JP BPEU SS 2024-1 broj: 01-09-12-390/2024 od 16.09.2024. godine, utvrđeno je da prijava pod rednim brojem 5076 nije ispunila zadate uslove za dodjelu sredstava budžetske podrške.

Protiv donesene Odluke podnosilac prijave je blagovremeno izjavio prigovor.


Radi razmatranja prigovora, direktor Fonda je imenovao Komisiju koja je dužna da izvrši ocjenu osnovanosti blagovremeno izjavljenih prigovora u smislu ispunjenosti uslova prijave.

Na osnovu Izvještaja Komisije broj: 06-1-151/2024 od 24.09.2024. godine, utvrđeno je da podnosilac prijave u svojoj prijavi nije dokazao navode dostavljene u prigovoru, odnosno da je objekat koji je predmet prijave kupljen prije tri mjeseca te da je u procesu prijevoda stana na ime podnosioca prijave, te da na tu proceduru nije mogao uticati. Navodi da je potrošnja električne energije relevantna od mjeseca jula

otkad je počela adaptacija, te da se vidi da je ista u protekla tri mjeseca bila približna traženoj potrošnji (cca 270 kwh). Napominje da je dostavljena i ovjerena Izjava kojom se obavezao dostaviti buduće račune kao dokaz da će stanovati u objektu. Također navodi da je dostavljen predračun sa specifikacijama koje odgovaraju specifikacijama traženim uslovima Javnog poziva.

Uvidom u dostavljeno, Komisija za prigovore je utvrdila da predmetna prijava u vrijeme provođenja ovoga Javnog poziva ne ispunjava dva uslova iz istog. Javnim pozivom utvrđeno da se vlasništvo nad objektom utvrđuje isključivo ZK izvatkom, te da potrošnja električne energije mora biti najmanje 300 kWh. Komisija u potpunosti razumije pojašnjenja data od strane podnosioca prijave, no ista se odnose na buduće korištenje objekta, pretpostavke o budućoj potrošnji el. energije i rješavanje vlasničkog odnosa.

Shodno navedenom, a obzirom da prijava ne ispunjava uvjete za dodjelu sredstava budžetske podrške, odlučeno je kao u dispozitivu Odluke.



Slađan Bevanda, direktor

Broj: 0129-12-5655/2024

Sarajevo, 03.10.2024.

Dostaviti:

- Podnosiocu Prigovora
- Sektoru za Energetsku efikasnost
- Sektoru za pravne poslove
- a/a